

## 94 pegawai pantau peniaga di Kelantan

BERNAMA || 21 Januari 2020



Pengerusi Jawatankuasa Perindustrian, Perdagangan, Pelaburan dan Pembangunan Usahawan negeri Datuk Hanifa Ahmad (dua dari kiri) dan Pengarah Kementerian Perdagangan Dalam Negeri dan Hal Ehwal Pengguna (KPDNHEP) negeri, Adnan Abd Rahman (tiga, kanan) ketika membuat tinjauan harga barang pada pelancaran Skim Harga Maksimum Musim Perayaan Tahun Baru Cina 2020 di sebuah pasar raya hari ini. - Foto Bernama

**KOTA BHARU** - Seramai 94 Pegawai Pemantau Harga (PPH) berpakaian biasa akan ditugaskan bagi memantau harga barangan di 476 buah premis di Kelantan sepanjang musim perayaan Tahun Baharu Cina, tidak lama lagi.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Kelantan, Adnan Abd Rahman berkata, penugasan mereka adalah sempena Skim Kawalan Maksimum Musim Perayaan (SHMMP) Tahun Baharu Cina 2020.

Beliau berkata kumpulan petugas ini akan memantau harga barangan dan akan melaporkannya di pejabat.